



Broj: UV-150-02-1-1499- U /23 ŽB
Sarajevo, 29. augusta 2023. godine

Na osnovu člana 70, stavovi (1) i (3) Zakona o javnim nabavkama („Službeni glasnik BiH“, broj 39/14 i 59/22), člana 49, stav (2) Pravilnika Centralne banke Bosne i Hercegovine, brojevi: UV-104-01-1-116/15 od 28. decembra 2015. godine; UV-122-01-1-1045-11/21 od 28. aprila 2021. godine; UV-104-01-1-1425-15/21 od 29. juna 2021. godine; UV-122-01-1-2029-11/22 od 28. novembra 2022. godine i člana 13, stav (3) Pravilnika o javnim nabavkama, broj UV-122-02-1-829-12/23 od 30. marta 2023. godine, Upravno vijeće Centralne banke Bosne i Hercegovine na 8. sjednici od 29. augusta 2023. godine, donosi

O D L U K U

o izboru najpovoljnijeg ponuđača u postupku javne nabavke
usluga – obnova licenci za *Oracle* proizvode

Član 1.

Centralna banka Bosne i Hercegovine (u daljnjem tekstu: Centralna banka) dodjeljuje ugovor ponuđaču COMTRADE SYSTEM INTEGRATION d.o.o. Sarajevo, prema ponudi broj P-23-187, od 11. augusta 2023. godine, u postupku javne nabavke usluga – obnova licenci za *Oracle* proizvode.

Član 2.

Ponuda ponuđača iz člana 1. ove odluke, nakon uspješno provedene e-aukcije, glasi na iznos od 148 190,00 KM bez PDV-a (slovima: stotinučetdesetosamhiljadastotinudevedeset konvertibilnih maraka i 00/100), odnosno

173 382,30 KM s uračunatim PDV-om

(slovima: stotinusedamdesettrihiljadetrinostineosamdesetdvije konvertibilne marke i 30/100)

Član 3.

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti ugovor na period od tri godine, za čije izvršenje će biti zaduženo Odjeljenje za informacijske tehnologije Centralnog ureda Centralne banke.

(2) U slučaju nastupanja jednog od slučajeva određenih članom 72, stav (3) Zakona o javnim nabavkama, Centralna banka će dostaviti prijedlog ugovora onom ponuđaču čija je ponuda rangirana odmah iza ponude najuspješnijeg ponuđača, prema konačnoj rang-listi ponuđača koji su sudjelovali u uspješno provedenoj e-aukciji.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.



Član 6.

Ova odluka će biti objavljena na *web*-stranici Centralne banke www.cbbh.ba istodobno s upućivanjem ponuđačima koji su učestvovali u postupku javne nabavke, na osnovu člana 70, stav (6) Zakona o javnim nabavkama („Službeni glasnik BiH“, broj 39/14 i 59/22).

O b r a z l o ž e n j e

Postupak javne nabavke usluga – obnova licenci za *Oracle* proizvode, otvorenim postupkom, pokrenut je Odlukom broj 150-16-35-1371-2/23 ŽB, od 18. jula 2023. godine.

Centralna banka je, 21. jula 2023. godine, na portalu Javnih nabavki objavila Obavještenje o nabavci broj 1370-1-2-385/23.

U predviđenom roku za dostavljanje ponuda, blagovremeno su dostavljene tri ponude, sljedećih ponuđača: COMTRADE SYSTEM INTEGRATION d.o.o. Sarajevo, LANACO d.o.o. Banja Luka i CORE d.o.o. Sarajevo.

Komisija nadležna za provođenje postupka javne nabavke je izvršila pregled i ocjenu pristiglih ponuda i zaključila da sve pristigle ponude ispunjavaju sve zahtjeve tražene tenderskom dokumentacijom.

Na osnovu odredbi Pravilnika o uslovima i načinu korištenja e-aukcije („Službeni glasnik BiH“, broj 66/16), zakazano je održavanje e-aukcije, s prethodno navedenim ponuđačima, za 14. august 2023. godine u 11:00 sati.

Nakon uspješno provedene e-aukcije, nadležna Komisija je dala preporuku kao u dispozitivu, Zapisnikom o pregledu i ocjeni ponuda, broj 149-16-35-1459-7/23, od 15. augusta 2023. godine.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- viceguvernerima;
- sekretaru Upravnog vijeća i Uprave;
- predsjedniku komisije;
- Odjeljenju za informacijske tehnologije;
- Odjeljenju za računovodstvo i finansije;
- Odjeljenju za javne nabavke;
- COMTRADE SYSTEM INTEGRATION d.o.o. Sarajevo
- LANACO d.o.o. Banja Luka
- CORE d.o.o. Sarajevo